



Universitätsbibliothek Paderborn

Qvæstiones Morales Selectiores De Lege Interna Et Externa

discussæ, ac Resolutæ, & in duos Libros divisæ, In quibus, propositis casibus, prima quædam principia, ad plurimas alias Quæstiones similes resolvendas perutilia, subinde examinantur

De Lege Externa

Beati, Gabriele

Augustæ Vindelicorum, 1729

VD18 80376800

47 An per absolutionem vna censura tolli possit sine alia.

urn:nbn:de:hbz:466:1-39888

23 Ad tertiam Negatur consequentia; Ecclesiæ enim non vius, & periculum, quod inde sequeretur, ad summum probant, absolutionem eo modo datam, fuisse illicitam, non tamen invalidam.

COROLLARIUM.

24 Colligitur ex dictis; Censuram latam sub conditione impertinenti, si nulla alia apponatur causa, esse invalidam. Quia omnis censura, cum sit pena, essentialiter requirit, ac supponit aliquam culpam. Si autem nulla alia apponere-

tur causa, nulla daretur culpa; Vnde, si quis diceret, Omnes existentes in portu incident in excommunicationem, si natus aliqua tunc veniat ex India; nulla esset Excommunication, quia nulla daretur culpa, quæ tamen ad excommunicationis valorem essentialiter requiritur. Si tamen culpæ supponeretur; vt, si quis diceret, Omnes qui furtum commiserunt, excommunicationem incurvant, si natus ex India venerit; tunc excommunicatione sic lata, esset valida, quia nihil iam daretur, quod eius valorem impediret.

QVAESTIO XLVII.

An per absolutionem una censura tolli possit sine aliâ.

C A S U S.

1 **T**ITIVS, cum plures Excommunications incurrisserat, tempore Iubilei, ad Confessarium habentem facultatem ab omnibus absoluendi accedens; alias solùm aperuit, reliquas verò ex obliuione tacuit. Quæritur: Vtrum ab omnibus fuerit absolutus,

SUMMARIUM.

- 2 *Absolutio, videtur tollere posse unam censuram sine aliâ.*
- 3 *Censura non sunt inter se connexæ, sicut peccata mortalia.*
- 4 *Absolutio, eas solùm censuras tollit, quas Sacerdos tollere intendit.*
- 5 *Nihil infundit cum censuris incompositibile.*
- 6 *Tollit solùm censuram cognitam.*
- 7 *Cum accommodetur petitioni.*
- 8 *Absolutio à censuris, quomodo dari possit.*

- 9 *Absolutio data in Confessione, tollit omnes censuras.*
- 10 *Alias non esset dispositio ad peccatorum absolutionem.*
- 11 *Et Confessarius utitur tota facultate, quam habet.*
- 12 *Censurae, connexionem habent per ordinem ad absolutionem à peccatis.*
- 13 *Confessarius intentionem habet absolvendi, quantum potest.*
- 14 *Ad peccatorum absolutionem prærequisitur absolutio generalis censurarum.*

Ee 2

15 *Censura*

- 15 Censuræ tolluntur, quantum Confessarius potest, & Pœnitens indiget.
 16 Pœnitens, omnium absolutionem implicitè petit.
 17 Ad Censurarum absolutionem in Sacramento, earum manifestatio requiriatur.
 18 Earum absolutio extra Sacramentum, pendet totaliter à voluntate Absoluentis.

RATIONES DVBITANDI.

2 **C**um absolutio à Censuris, non conferat formam aliquam positivam cum ipsis incompossibilem, sicut absolutionis à peccatis, confert gratiam cum omnibus mortalibus incompossibilem; sequitur, absolutionem à Censuris, ex eis, non tollere necessariò omnes censuras, sicut absolutionis à peccatis necessariò tollit omnia mortalia. Questio igitur est; an vnam tollere possit sine alia; an vero aliunde habeat, ut omnes tollat. Aliqui enim putant; quod vnam tollere possit sine alia; & consequenter, quod Titius non fuit ab omnibus absolutus, sed ab ijs solum, quas Confessor manifestauit. Ita *Auila par. 2. cap. 6. disp. 2. dub. 3. ad finem. Vgolinus tab. 1. cap. 19. §. 3. num. 10. Sayrus de conf. lib. 2. cap. 21. num. 23.*

3 Primò: Quia Excommunicationes, non ita sunt inter se connexæ, sicut sunt conexa peccata mortalia, sed una tolli potest sine alia, sicut in confessione, vnum peccatum veniale, remitti potest sine alio. Sicut ergo qui in Confessione, aliquæ solum venialia aperit, & alia ex obliuione, aut alia causa facit, remanet solum absolutus ab ijs, quæ aperuit, & non ab

alijs, ita qui aliquas solum excommunicationes aperuit, & alias tacuit, ab ijs solum fuit absolutus quas aperuit, non vero ab alijs, quas tacuit.

Secundò: Quia Titius ab ijs solum excommunicationibus fuit absolutus, à quibus Confessor intentionem habuit illum absoluendi; forma enim absolutionis, non operatur ultra intentionem proferentis; cum actus agentium non operentur ultra eorum intentionem. *L. Non omnis, ff. de rebus cred. & cap. finali de prab.* Confessor autem, abijs solum intentionem habuit illum absoluendi, quas Titius illi manifestauit, sicut intentionem habet absoluendi ab ijs solum venialibus, quæ illi fuerunt in Confessione manifestata.

Tertiò: Quia, In tantum ille, qui absolvitur à mortalibus confessis, remanet etiam indirectè absolutus ab oblitis, in quantum per absolutionem infunditur gratia, quæ cum quocumque mortali est essentialiter incompossibilis, sed per absolutionem censoriæ, nihil infunditur cum omnibus excommunicationibus incompossibile. Ergo qui absolvitur ab excommunicationibus confessis, non propterea remanet absolutus etiam ab oblitis.

Quartò: Quia Excommunications, non tolluntur per quaecumque absolutionem à Confessario facultatem habente collatam, sed solum per absolutionem datam; cognitæ excommunicatione; tunc enim solum absolutio datur cum intentione illam tollendi, quam intentionem Confessor non presumitur habere, dum habet solum communem intentionem absoluendi; sicut non censetur habere

here intentionem tollendi peccata reseruata oblitera, quoad reservationem, per communem intentionem conferendi Sacramentum penitentiae, eo quod sic solum censeatur velle conferre gratiam, & per hanc peccata reseruata non tollantur quoad obligationem, illa legitimo Superiori manifestandi. Sicut ergo Confessorius, quamvis facultatem habeat reservatorum, non censemur tamen velle tollere reservationem, nisi eorum, quæ illi manifestantur in confessione, ita, quamvis facultatem habeat censorum, non censemur tamen velle absoluere, nisi ab iis, quæ illi fuerunt manifestatae; sententia enim prudenter non fertur nisi cognitæ causæ.

7 Quintò: Quia Absolutio, accommodari debet petitioni; Sed qui aliquas tantum excommunicationes confiteatur, earum solum absolutionem petit, & non aliarum, quas tacet. Ergo etiam Confessorius, earum tantum absolutionem impedit, & non aliarum; sic enim absolutio conformatur petitioni.

NOTABILE.

8 A Duertendum est, Censorum absolutionem, à Superiori, ordinariam iurisdictionem habente, dari posse, non solum in Sacramento Confessionis, sed etiam extra illud; scilicet enim extra confessionem ligare potest, ita potest absoluere, nec ullo iure cogitur in confessione solum absoluere, & non extra. Ab eo vero qui facultatem habet delegatam, dari posse, vel in confessione, vel extra illam, iuxta voluntatem concedentis. Colatio enim iurisdictionis, siue delegatio,

pendet totaliter à voluntate delegantis. In Jubilæo tamen, hæc facultas communiter conceditur cum limitatione absoluendi solum in Confessione Sacramentali, vel Confessionibus diligenter auditis; in hoc autem casu, censorum absolutio conferri non potest, nisi in ipso Sacramento Confessionis; facultas enim & iurisdictione exerceri non potest nisi iuxta voluntatem concedentis, cum ab illa totaliter pendaat. Hoc posito,

RESOLVTIO.

A D Casum respondetur; Titium, per ⁹ absolutionem datam à Confessario, virtute Jubilæi facultatem habente absoluendi à censorum, fuisse ab omnibus excommunicationibus absolutum. Suarez de cens. disp. 7. sect. 9. n. 4. Fillius tract. 11. cap. 9. quest. 6. num. 289. Reginaldus lib. 9. num. 6. Sanchez lib. 2. sum. cap. 12. n. 9. Coninch. de pœn. disp. 8. dub. 12. num. 97. & disp. 14. d. 16. n. 226. Bonac. de cens. disp. 1. quest. 3. pun. 6. num. 3. Narrars cap. 26. num. 12. Valentia tom. 4. disp. 8. quest. 7. pun. 8. &c alij apud istos.

Primo: Quia Titius fuit ab excommunicatione absolutus in Confessione Sacramentali; fuit enim absolutus à Confessario habente facultatem solum virtute Jubilæi, idemque absoluendi solum in Confessione. Sed absolutio data in Confessione, debet necessariò ad omnes excommunicationes se extender; debet enim esse dispositio ad recipiendam absolutionem à peccatis, quæ sine iusta causâ, excommunicato impendi non potest; cum inter alios excommuni-

Ec 3

nicatio-

nicationis effectus sit, priuare perceptio-
ne Sacramentorum, ergo absolutio data
Titio, se extendit ad omnes excommuni-
cationes, ideoque fuit ab omnibus, etiam
ab oblitis absolutus.

11 Secundò; Quia Confessarius faculta-
tem habebat absoluendi Titum ab omni-
bus excommunicationibus, etiam illis,
quas ex obliuione tacuit, ut suppono; &
ea facultate generaliter usus est, cum inten-
tione omnes excommunicationes au-
ferendi, quantum poterat; tenebatur enim
eum, quantum poterat, absoluere, ut esset
capax recipiendi absolutionem à peccatis.
Ergo omnes re verà abstulit, & Titus ab
omnibus remansit absolutus; Ad censu-
ram enim tollendam, sufficit potestas, &
voluntas Absoluentis, cum centurà ab
his duobus essentialiter pendeat in fieri,
ac conseruari. Cum ergo Confessarius,
virtute Iubilei, potestatem habuerit omnes
excommunicationes tollendi, & intentio-
nem habuerit eas tollendi, quantum licet
poterat, ac pénitens indigebat, & conse-
quenter tollendi omnes; verè omnes
abstulit, & Titus ab omnibus remansit
absolutus etiam ab ijs, quas ex obliuione
non manifestauit.

OBIECTIONVM SOLVTIO.

12 Ad primam rationem in contrarium
respondetur; Excommunications,
ac censuras, quamuis non habeant inter-
se connexionem in ordine ad absolu-
tionem, quæ datur extra Sacramentum Con-
fessionis; illam tamen habere quasi ex-
trinsecè, in ordine ad absolutionem, quæ
datur in Confessione; quatenus hæc ne-
cessariò debet esse generalis, & ad omnes
se exendere, cum debeat esse dispositio
ad recipiendam absolutionem peccato-

rum, cuius absolutionis non est capax
Excommunicatus.

Ad secundam respondetur: Negando **13**
minorem; Confessarius enim intentionem
habet absoluendi, quantum potest, &
quantum pénitens indiget ad hoc, ut
possit esse capax absolutionis à peccatis, &
hanc intentionem exprimit in ipsa forma
absolutionis censurarum, quæ in Sacra-
mento Confessionis præmittitur ante ab-
solutionem à peccatis; pénitens autem
indiget absolutione generali, & quæ ad
omnes excommunications se extendat.

Ad tertiam respondetur; quamvis in **14**
absolutione censurarum nihil infundatur
incompossibile cum omnibus excommuni-
cationibus, sicut in absolutione pecca-
torum infunditur gratia cum omnibus
mortalibus incompossibilis; adhuc ta-
men, per absolutionem censurarum, quæ
datur in Sacramento pénitentia, omnes
remitti ex ipsa natura absolutionis, eo
quod debeat esse dispositio ad absolu-
tionem peccatorum, ad quod necessariò re-
quiritur, ut sit generalis, & omnium
censurarum.

Ad quartam respondetur: Negando **15**
Antecedens; quamvis enim excommuni-
cationes, ita tolli possint extra Sacra-
mentum pénitentia, in Sacramento tamen,
tolluntur generaliter, quantum Confess-
arius potest, & pénitens indiget, ut pa-
tet ex ipsa formulâ absolutionis, & quia
hoc est necessarium ad hoc, ut pénitens
sit capax absolutionis peccatorum; idem-
que dicendum est de reservatione; hæc
enim etiam à Confessario tollitur, quan-
tum potest, & pénitens indiget. Nam pén-
itens, dum ad Confessarium facultatem
habentem accedit, ut quantum fieri
potest.

potest, absoluatur, & à peccatis liberetur, implicitè, ac interpretatiè, omnium reseruatorum absolutionem censetur petere, quamvis illam non petat explicitè. Confessarius autem censetur velle pœnitenti prospicere, ipsumque à peccatis, quantum licet potest, liberare. Ergo censetur velle omnium reseruationem tollere.


16 Ad quintam Respondetur; Eum qui aliquas tantum excommunicationes confitetur, & aliás ex obliuione tacet, quamvis explicitè earum solum absolutionem petat, quas aperit; omnium tamen absolutionem implicitè petere, dum ad Confessarium bona fide accedit, ut à censuris, ac peccatis, quantum fieri potest, libereatur. Husc autem petitioni accommodare se debet absolutione Confessarij, cum, hoc modo, possit esse dispositio ad absolutionem peccatorum.

COROLLARIA.

17 Colligitur ex dictis primò: Ad absolutionem censuratum, quæ datur in Sacramento pœnitentia, requiri earum manifestationem, ac cognitionem; tum quia hæc ex Superioris voluntate necessaria est, ut patet ex dictis: tum quia ad absolutionem peccatorum, per se loquendo, prærequiritur eorum cognitione; sed censura semper alicui peccato est annexa: ergo illius etiam cognitione prærequiritur. Hinc fit, ut cum quis censuram aliquam

voluntariè reticet in confessione ab illâ validè non absoluatur, sicut validè non absolvitur à peccato, si illud voluntariè reticeat, neque Confessarius tunc præsumitur, habere intentionem à tali excommunicatione pœnitentem absoluendi; præsumitur enim intentionem habere absoluendi, quantum licet potest; non videtur autem absoluere licite posse à censurâ, quam pœnitens sponte, ac sine iusta causâ, tacuit; nam pœnitens, sicut est indispositus ad absolutionem peccatorum, ita videtur indispositus ad absolutionem censurarum, quæ datur in Sacramento; cum hæc deatur solum in fine ad absolutionem peccatorum, ideoque easdem dispositiones requirat ad sui valorem, quas illa requirit. Coninch. disp. 8. d. 12. num. 97.

Secundò; Absolutionem censuratum, quæ datur extra Sacramentum pœnitentia pendere totaliter, quoad valorem, ac effectum, ab intentione absoluenter, ideoque posse esse, vel generalem omnium, vel particularem, & solum aliquarum, prout absoluens voluerit; cum enim censuræ connexionem inter se non habeant, hinc fit, ut sicut una ferri potest ante aliam, ita tolli possit sine alia; idemque dicendum videtur etiam de reseruatione, quando ab Episcopo tollitur extra Sacramentum; sicut enim illam tollere potest etiam inuito delinquentे, ita unam tollere potest sine alia. Sayrus lib. 2. cap. 21. num. 16.



QVÆ.